



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ

ք. Երևան, Ս. Դավթի 87 Ա

„ 30 „ նոյեմբերի. 2021թ.

Ո Ր Ո Շ ՈՒ Մ No. 3238-Ա-1

Վարչական ակտն անվավեր ճանաչելու մասին

Հայաստանի Հանրապետության պետական եկամուտների կոմիտեի իրավաբանական վարչության պետ Ա. Մնացականյանս քննարկելով ֆիզիկական անձ Սարիբեկ Սամսոնի Գրիգորյանի վերաբերյալ 19.11.2021թ-ին կայացված «Չկատարված հարկային պարտավորությունները գանձելու մասին» թիվ 3238-Ա որոշումը և վարչական վարույթի նյութերը.

Պ Ա Ր Զ Ե Ց Ի

Համաձայն հարկային վարչարարության ընթացքում հարկային իրավախախտում հայտնաբերելուց անմիջապես հետո հարկային մարմնի պատասխանատու պաշտոնատար անձի կողմից կազմվող թիվ 37666/2021/ԿՈՒՎԼ/Ա արձանագրության՝ ֆիզիկական անձ Սարիբեկ Սամսոնի Գրիգորյանի (ՀՎՀՀ՝ 28101907, ՀԾՀ՝ 2011560608, անձնագիր՝ AH0314821, հասցե՝ ք.Երևան, Շերամի փող., 7-7) չկատարված հարկային պարտավորությունը 07.09.2021 թվականի դրությամբ կազմել է 190.080 ՀՀ դրամ, որից հարկ՝ 180.000 ՀՀ դրամ, տույժ՝ 10.080 ՀՀ դրամ:

Հարկային պարտավորությունը առաջացել է ՀՀ ոստիկանության «Ճանապարհային ոստիկանություն» ծառայությունից ստացված շարժական գույքի և դրա նկատմամբ գրանցված իրավունքների վերաբերյալ տեղեկությունների համաձայն՝ ֆիզիկական անձ Սարիբեկ Սամսոնի Գրիգորյանի կողմից 25.01.2020 թվականին օտարվել է 15.01.2020 թվականին ձեռք բերված JAGUAR E-PACE R-DINAMIC SE 2.0 մոդելի 2019 թվականի արտադրության 200 ձիաուժ հզորությամբ տրանսպորտային միջոցը, որի պայմանագրային արժեքը կազմել է 18.000.000 ՀՀ դրամ:

Ֆիզիկական անձ Սարիբեկ Սամսոնի Գրիգորյանի կողմից իրականացված նշված գործարքի մասով 2020 թվականի հարկային մարմին եկամտային հարկի և սոցիալական վճարի տարեկան հաշվարկ օրենքով սահմանված ժամկետում չներկայացնելու, ինչպես նաև հարկերը չվճարելու հետևանքով 19.11.2021թ. ՀՀ ՊԵԿ իրավաբանական վարչության պետի կողմից կայացվել է «Չկատարված հարկային պարտավորությունները գանձելու մասին» թիվ 3238-Ա որոշումը, համաձայն որի գանձման ենթակա օրենքով սահմանված ժամկետում չկատարված հարկային պարտավորությունը կազմել է 190.080 ՀՀ դրամ, որից հարկ՝ 180.000 ՀՀ դրամ, տույժ՝ 10.080 ՀՀ դրամ:

Հաշվի առնելով այն հանգամանքը, որ ֆիզիկական անձի կողմից ներկայացվել է 2020 թվականի եկամտային հարկի և սոցիալական վճարի տարեկան հաշվարկը, ինչպես նաև այն, որ վերջինիս կողմից պարտավորությունը ամբողջությամբ մարվել է, ուստի առկա են բավարար հիմքեր նշված որոշումն անվավեր ճանաչելու համար:

Ելնելով վերոգրյալից և ղեկավարվելով ղեկավարվելով «Վարչարարության հիմունքների և վարչական վարույթի մասին» ՀՀ օրենքի 63-րդ 1-ին մասի „բ,, կետով և 65-րդ հոդվածով.

Ո Ր Ո Շ Ե Ց Ի

Ֆիզիկական անձ Սարիբեկ Սամսոնի Գրիգորյանի /ՀՎՀՀ՝ 28101907, անձնագիր՝ AH0314821/ վերաբերյալ 19.11.2021-ին կայացված «Չկատարված հարկային պարտավորությունները գանձելու մասին» թիվ 3238-Ա որոշումը ճանաչել անվավեր:

ԻՐԱՎԱԲԱՆԱԿԱՆ
ՎԱՐՉՈՒԹՅԱՆ ՊԵՏ



Կապ.՝ ԻՎ հարկադիր գանձման և
պարտավորությունների կատարման
ապահովման բաժնի
գլխավոր մասնագետ
Վ.Ավետիսյան,
Հեռ. 011.54-91-91/9148/

ԱՐՄԱՆ ՄՆԱՑԱԿԱՆՅԱՆ